

Nikolaus und Krampus

geschrieben von Walter Pollak 2013

Noch vor Weihnacht´ kimmt da Nikolaus,
der bringt Äpfel und a Nüss ins Haus
A Krampus kimmt jetzt neama her
mit dem hät ma jo nur a g´scher
Er schreckt di Kinda und iss laut,
manchmal hat er a oans verhaut.

De Kinder san heut alle brav
Jedenfalls - wenna san im Schlaf.
Für die Eltern war da Krampus guad,
so lang er nur mit der Kettln rasseln tuat
Dann denkens an die guate, alte Zeit,
als Kinder warn, wia d´ Kloanen heut.

Scho 3 Tog vorher sans wia Mäuserl g´wen.
und brav san´s in da Bettstatt g´leg´n.
Nix war mehr mit der Polsterschlacht,
`s war stad wenn d´Mama s`Liacht ausmacht.
Bloss nix mehr Falsches mach´n,
Sonst bringt da Nik´laus koane Sachen

Damals san no echte Kramperl kemma
Do host di schon müssen zamma nehma
Schwarze Loaf´n und a lange Zung´
Die Ketten rasseln umadum
Pfu Teifi war des grauslich für uns Kinder
Zum Glück gibst den Brauch heut nimma.